

اُمّ المؤمنین

حضرت جویریہ بنت
حارث رضی اللہ عنہا

مؤلف

رازول کوہستانی

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

(کوہستانی شینازبان میں)

اُمُّ الْمُؤْمِنِينَ حضرت جویریہ بنتِ حارث رضی اللہ عنہا اے اصل نُوْم ”بَرّہ“ سو، نبی علیہ السلام اے بیٹے نُوْم بدل تھے جویریہ چھوریگاس¹۔ بیٹے مالو حارث بن ابی ضرار بنو مصطلق قبیلہ اے ایک بڑو سرداؤس²۔

مالے شجرہ: بَرّہ بنتِ حارث بن ابی ضرار بن حبیب بن عائذ بن مالک بن جذیمہ بن سعد بن عرو بن ربیعہ بن حارثہ بن عمرو مزقیاء۔

ٹا، سزارہ: حضرت جویریہ بنتِ حارث رضی اللہ عنہا اے دُوڑاروئے عبداللہ بن حارث، عمرو بن حارث آں ایک سَس عمرہ بنتِ حارث سَس³۔

حارث بن ابی ضرار: حارث بن ابی ضرار اسلام اٹونجی مُچھو تومو وختے ایک بڑو گہ شیتلو دھاڑمار مُشاؤس، مسلمان گہ اسلام سے شیتلی کٹگری گہ دُشمنی تھیسو، تومو قبیلہ اے بڑو سرداؤس، آوجہ گئی بُتو قبیلہ سہ دھاڑائے دین گہ جک لُٹینس۔ حارث بن ابی ضرار گہ سہ سے قبیلہ اے حضرت جویریہ بنتِ حارث رضی اللہ عنہا گہ حضور صلی اللہ علیہ وسلم اے نکاح جی پتو اسلام اٹیگہ آں دھاڑائے دون گہ

¹ صحیح مسلم، جلد 2، ص: 231۔

² محمد بن سعد، طبقات ابن سعد، جلد 2، ص: 45۔

³ محمود میاں نجمی، امہات المؤمنین، ص: 124۔

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

جک اُتُونجی یہ تھے ایک متمدن گہ مہذب جوڈن لگیوں گلہ تھیگہ آن اسدیو پتو کرہ گہ مسلمانو خلاف آیوک نہ ہون تھیگاس۔

تم مچھنو نکاح: حضرت جویریہ رضی اللہ عنہا ائے تم مچھنو نکاح تومو پچے پُج مسافع بن صفوان سے بلُس۔ غزوہ بنی مصطلق دہ مسافع مسلمانو بتجی قتل بلو۔

دوموگو نکاح: حضرت جویریہ بنتِ حارث رضی اللہ عنہا ائے مالو گہ مچھنو بریو دینے سخ دُشمنانس۔ آوجہ گئی یس کرہ قریش مدینہ جی حملہ تھونے کریا تینس کرہ اکے کوشش تھینس چہ مدینہ جی ایک بڑی پیخہ تھین۔ آگئی حضور صلی اللہ علیہ وسلم ائی کوئے صحابہ کرام چٹی کھوجن تھيون دہ معلوم بلی چہ بنو مصطلق قبیلہ ائے جگو نیات سونچھی نانئ آں ول آلو سات دہ مدینہ جی پیخہ تھونے تکبر گزین۔ آوجہ گئی نبی علیہ السلام ائی تومہ صحابہ کرام ٹر حملہ ائے سملے تھونے حکم تھیگہ آن 2 شعبان، 5 ہجری دہ اسلامی سیں مدینہ جی روان بلی۔ حارث بن ابی ضرار آ خبر بوئے اکے گہ تومہ جک اسدیو خور تھے کھگڑ بلو مگر کھاں جک مریسيع دہ آبادس سیٹا مسلمان سیں پشی بگہ تھون گلہ دیگہ۔ مسلمانجی ٹول بوئے پیخہ تھون دہ مشرکینوڑ پھوئی آلی، 11 مشے قتل بلہ پھت بلک 600 منوڑہ، 2000 آخی گہ 5000 لچ مچھو دے مدینہ شریفڑ اٹیگہ۔ مدینہ دی آبی تمام قیدیان ڈبی گہ ڈبوئی تھے غزوہ ائے جگو مجی بگیگہ۔ قیدیانو مجی حضرت جویریہ بنتِ حارث ابی ضرار گہ اسلی، مال غنیمت بگون دہ سہ خطیب رسول

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

ثابت ابن قیس رضی اللہ عنہ اے باگودہ آئی۔ حضرت جویریہ رضی اللہ عنہا او ایزر مُتزی گئی ثابت ابن قیس رضی اللہ عنہ تڑ رجیگی چہ سینس سے مکاتب⁴ تھے روپے ہری سینس اوزگات تھی۔

ثابت ابن قیس رضی اللہ عنہ ای 9 اوقیا سوٹے بدل دہ سینس پھتونے لوط تھاؤ۔ حضرت جویریہ بنتِ حارث رضی اللہ عنہا اے بت اسہ وخ دہ دون جوک گہ ناسو۔ آوجہ گئی سہ حضور صلی اللہ علیہ وسلم اے خدمت دہ حاضر بلئی، اسہ وخ دہ حضرت عائشہ رضی اللہ عنہا گہ اسدی موجودس۔ یہ سو حضور صلی اللہ علیہ وسلم تڑ عرض تھیگی: ”وواللہ تعالیٰ اے برحق رسول! مون بنو مصطلق سردار حارث بن ابی ضرار اے شکال دی نس، می بریو جنگ دہ مرجلن آن بُباڑ شکست بلن۔ مون تومہ متہ جگو سے ساتی جنگی قیدی سنجلیس آن آوخ دہ ثابت ابن قیس اے ملکیات دانس۔ می مالک مکاتبجی راضی نو، مگر مودیٰ دون جوک گہ نش“۔ حضور صلی اللہ علیہ وسلم ای جواب دیگہ: ”تھوئے آ سبجی بر شیزے إلہا نانئی یا؟“۔ یہ سو رجیگی: ”یا رسول اللہ! اسہ جو کُن؟“۔ حضور صلی اللہ علیہ وسلم ای ارشاد تھیگہ: ”خھے طرفجی مؤس مکاتبے مال دے خھوسے نکاح تھم“۔ حضرت جویریہ بنتِ حارث آ موڑڑ کھوش بوئے اوں تھیگی⁶۔ آتھ حضرت جویریہ رضی اللہ عنہا، حضور صلی اللہ علیہ وسلم اے نکاح دہ آئی، آ وجہ گئی بنی مصطلق قبیلہ اے تمام قیدیان گہ اوزگار تھیگہ⁷۔ علامہ ذہبی سے لکینو

مکاتب : اسہ غولامے آن مکاتبہ اسہ ڈبوئی تڑ رزن کھان تومو دبوں سے آموش یا لوط تھی چہ

سینس ایک موقرڑ رقم مالکڑ دو یا دو آن آگئی سہ آزاد بو یا بو۔

محمود میاں نجمی، امہات المؤمنین، ص: 120۔

سنن ابوداؤد، باب فی بیع الکاتب، جلد 4، ص: 22۔

اسد الغابہ، جلد 5، ص: 420۔

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

چہ حضرت جویریہ رضی اللہ عنہا آج اسہ سات دہ مسلمان بلی۔ نکاح اے وخ دہ نبی علیہ السلام اے عمر مبارک 57 کال آن حضرت جویریہ بنتِ حارث رضی اللہ عنہا 20 کالو سی۔

ایک مُتّی روایت آگہ بنی چہ کھاں وخ دہ مُتہ جگو سے ساتی حضرت جویریہ رضی اللہ عنہا قید تھے مدینہ ئِ اٹیکہ تو سہ سے مالو حارث ابن ابی ضرار کھاں عرب اے ایک مشہور رئیس، نبی علیہ السلام اے بارگاہ دہ حاضر ہوئے عرض تهاؤ: ”مؤں عرب اے ایک پڑو سردار ئس، آگئی می دی ڈبوی (کنیز) نہ بویانی، می شان آ سبجی اُتھلن چہ می دی ڈبوی سنبجی، آگئی مؤں عرض تھمس چہ جویریہ قیدج اوزگار تہجون تھ۔“ آرزون دہ نبی علیہ السلام ای جواب دیگہ: مِشٹی آتھ نہ بویا چہ بیس جویریہ جی کھوجو چہ سیس جو رزانی؟۔“ آسٹی حارث ابن ابی ضرار تومی دی حضرت جویریہ دی گياؤ آن سہ سڑ رجاؤ: ”وو دی! نبی علیہ السلام ای تو اوزگار تھونے کړیا تھوئے واکے رجیگان چہ ئس جو رزانی، چیسے مؤں تھوئے بت گہ واک دانو، مؤں شرمیے نیں۔“ تے سہ سورجیگی: ”وو بُبا! مؤں نبی علیہ السلام اے خدمت دہ پھت بون کھوشنس۔“ آتھ حضرت جویریہ رضی اللہ عنہا اے نکاح نبی علیہ السلام سے بلو۔ نکاح جی پتو آ رزی بُتہ قیدیان گہ اوزگار تھیگہ چہ کھاں قبیلہ دہ رسول اللہ صلی اللہ علیہ وسلم ای زبائل تھیگہ اسہ قبیلہ اے جک غولام نہ بویان۔⁸

مناقب اُمِّ الْمُؤْمِنِينَ حضرت جویریہ بنتِ حارث رضی اللہ عنہا

■ عَنْ ابْنِ عَبَّاسٍ قَالَ: كَانَتْ جُوَيْرِيَةُ اسْمَهَا بَرَّةً. فَحَوَّلَ رَسُولُ اللَّهِ ﷺ اسْمَهَا جُوَيْرِيَةَ. وَكَانَ يَكْرَهُ أَنْ يُقَالَ: خَرَجَ مِنْ عِنْدِ بَرَّةَ.

⁸ امام ابوداؤد، سنن ابوداؤد، کتاب العتاق، جلد: 2 ص: 105؛ صحیح مسلم، ص: 61؛ طبقات ابن سعد، جلد: 2، 46۔

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

”حضرت عبداللہ بن عباسؓ سے بیان تھیں کہ حضرت جویریہؓ اے مُجُھنو نُوم برّہ سو، رسول اللہ صلی اللہ علیہ وسلم اے سیٹے نُوم بدل تھے جویریہ چھوریگہ، نبی علیہ السلام کھوس نہ بینس کہ آرزجیئے فلنکے مُنُوژو برّہ (مَشْطِیار) اے (گوڑجی) نکھڑی گیاؤ۔“ (امام مسلم)

■ عَنْ جُوَيْرِيَةَ: أَنَّ النَّبِيَّ ﷺ خَرَجَ مِنْ عِنْدِهَا بُكْرَةً حِينَ صَلَّى الصُّبْحَ وَهِيَ فِي مَسْجِدِهَا، ثُمَّ رَجَعَ بَعْدَ أَنْ أَضْحَى وَهِيَ جَالِسَةٌ. فَقَالَ: مَا زِلْتُ عَلَى الْحَالِ الَّتِي فَارَقْتُكِ عَلَيْهَا؟ قَالَتْ: نَعَمْ. قَالَ النَّبِيُّ ﷺ: لَقَدْ قُلْتُ بَعْدَكَ أَرْبَعَ كَلِمَاتٍ ثَلَاثَ مَرَّاتٍ، لَوْ وَزَنْتَ بِهَا قُلْتَ مِنْذُ الْيَوْمِ لَوَزَنْتَهُنَّ: سُبْحَانَ اللَّهِ وَبِحَمْدِهِ، عَدَدَ خَلْقِهِ، وَرِضَا نَفْسِهِ، وَزِنَةَ عَرْشِهِ، وَمِدَادَ كَلِمَاتِهِ.

”حضرت جویریہؓ سے بیان تھیں کہ نبی علیہ السلام لوٹکیئے نماز تھے سیٹو دی آلہ آں اسہ وخ دہ سہ (حضرت جویریہؓ) تومی نمازے زائی دہ بیٹس، پھری نبی علیہ السلام سورئ اکھزونے وخ دہ آلہ آں سہ (حضرت جویریہؓ) اج اسدی بیٹس۔ نبی علیہ السلام اے ارشاد تھیگہ: کھاں وخ دہ مون تُو پھتے گیاس، تُو اج اسداتھ بیٹی نیئی، یئہ سو عرض تھیگہ: جی اج دانئ! نبی علیہ السلام اے ارشاد تھیگہ: مون تُو جئی پتو چار ادا کلمات چے چوٹ رجاس کہ تھو لوٹکجی چئیے بُجیش جو کہ پڑیگینیئی اگر اسہ سے آ کلماتو سے وزن تھی اسہ کلماتو وزن بسکو بو، اسہ کلمات آئن: سُبْحَانَ اللَّهِ وَبِحَمْدِهِ، عَدَدَ خَلْقِهِ، وَرِضَا نَفْسِهِ، وَزِنَةَ عَرْشِهِ، وَمِدَادَ كَلِمَاتِهِ (”اللہ اے حمد گہ تسبیح نی، سہ سے مخلوقے عدد آں سہ سے رضا آں سہ

صحیح مسلم، کتاب الادب، باب: بدصورت نام کو حسن رکھنے کی خواہش، 3/1687، حدیث: 2140، امام احمد بن حنبل، مسند حنبل، 9

316/1، حدیث: 2902، بیہقی، شعب الایمان، 1/424، حدیث: 604۔

اُمُّ الْمُؤْمِنِينَ حضرت جویریہ بنتِ حارث رضی اللہ عنہا

سے عرش اے وزن آن سے کلمات اے چلے برابر¹⁰۔ (امام مسلم، ابن ماجہ کہ نسائی)

حضرت عائشہ رضی اللہ عنہا اے پیڑدہ: حضرت جویریہ بنتِ حارث رضی اللہ عنہا اے باردِ عائشہ رضی اللہ عنہا
سہ رزانی: ”كَانَتْ جَوِيرِيَّةَ امْرَأَةٍ حُلْوَةً مُلَاحَةً. لَا يَرَاهَا أَحَدٌ إِلَّا أَخَذَتْ بِنَفْسِهِ“

”رزائی کہ چٹھنی [معتدل] خُوئیں چئی سی، سیٹو جیئی کہ نہ پشیگاس بیل تومو
محرمجی¹¹۔“

منقول احادیث: حضرت جویریہ بنتِ حارث رضی اللہ عنہا جی 17 احادیث منقولین۔

وفات: حضرت جویریہ رضی اللہ عنہا ربیع الاول 56 ہجری دہ 70 کالو عمر دہ وفات بلی۔
سیرت نگارس رزن حضرت جویریہ رضی اللہ عنہا سیرت کہ صورت دہ یکتا سی۔ سیٹے وفات
حضرت معاویہ رضی اللہ عنہ اے عہد دہ بلی، جنازہ اے نماز مروان بن حکم گورنر مدینہ ای
تہباؤ¹²، آن سیٹو جنت البقیع دہ اسپاریگہ۔

صحیح مسلم، کتاب: ذکر، دعا، توبہ، استغفار، باب: دن کے شروع میں اور سوتے وقت اللہ کی تسبیح، 4/2090، حدیث: 2726؛ امام¹⁰
ابن ماجہ، سنن ابن ماجہ، کتاب: آداب، باب: فضیلتِ تسبیح، 2/1251، حدیث: 3808؛ امام نسائی، سنن الکبریٰ، 6/48، حدیث:
9989؛ ابن حبان، صحیح ابن حبان، 3/110، حدیث: 828۔

اسد الغابہ، جلد 5، ص: 420۔¹¹

صحیح بخاری، کتاب الصوم، حدیث: 1986۔¹²

أُمُّ الْمُؤْمِنِينَ حَضْرَتُ جَوِيرِيه بِنْتُ حَارِثَ رَضِيَ اللَّهُ عَنْهَا



جنت البقيع ده أُمُّ الْمُؤْمِنِينَ حَضْرَتُ جَوِيرِيه رَضِيَ اللَّهُ عَنْهَا اِنِّي فَرَّ مَبَارَكِـ.

